



Gmejska nowina
Ralbicy - Róžant



29. lětnik / 7. wudaće
Hamske łopjeno
wulki róžk 2019
21.12.2018
www.ralbitz-rosenthal.de
gemeinde@ralbitz-rosenthal.de



**Přejemy wšitkim wobydlerjam gmejny a čitarjam gmejskeje
nowiny žohnowane a měrliwe hody kaž tež strowe nowe lěto!**



Wobzamknjenja gmejskeje rady Ralbicy-Róžant

Na posedženju gmejskeje rady dnja 6.12.2018 su so scěhowace wobzamknjenja schwalili:

Wobzamknjenje čo. 36-12/2018

Wobzamknjenje wo nastajenju dodatnych wustawkow Ralbicy „Łazkowski puć“

Wobzamknjenje čo. 37-12/2018

Wobzamknjenje wo schwalenju a wupołożenju dodatnych wustawkow Ralbicy „Łazkowski puć“

Wobzamknjenje čo. 38-12/2018

Wobzamknjenje wo změnje w hospodarskim planje 2019 w přirunanju k naćiskej za hospodarski plan 2019

Wobzamknjenje čo. 39-12/2018

Wobzamknjenje k zapodatym znapřećiwnjenjam k naćiskej hospodarskeho plana za lěto 2019

Wobzamknjenje čo. 40-12/2018

Wobzamknjenje hospodarskich wustawkow z jich přiložami za lěto 2019

Wobzamknjenje čo. 41-12/2018

Wobzamknjenje k dochadźacym darom za twar hrajkanišća při Serbskej zakładnej šuli w Ralbicach

Wobzamknjenje čo. 42-12/2018

Přiwzaće a sposrědkowanja pjenježnych a wěcných darow resp. podobnych přidželenjow w hódnoće pod 100 €

Dohlad do protokola resp. wobzamknjenjow zjawneho posedženja w cyłym wobjimje je w času rěčnych hodžin gmejskeho zarjada móžny.

Hubertus Ryčer, wjesnjanosta

Přichodne posedženje gmejskeje rady gmejny Ralbicy-Róžant wotměje so štwórtk, dnja 17.01.2019 we 18.30 hodž. na gmejskim zarjedze w Róžeńće. Dnjowy porjad so přez městne wuwěški wozjewi.

<p>Rěčne hodžiny gmejskeho zarjada w Róžeńće: štwórtk: 14.00–18.00 hodž.</p> <p>Rěčne hodžiny wjesnjanosty: štwórtk: 15.00–18.00 hodž. abo po dorěčenju</p>	<p><u>Nuzowe čisła</u></p> <table border="1"> <tr> <td>milina</td> <td>ENSO Netz GmbH 0180/2787902</td> </tr> <tr> <td>woda</td> <td>Ewag Kamenz 03578/377377</td> </tr> <tr> <td>płun</td> <td>EVSE Wittichenau 035725/7410</td> </tr> <tr> <td>wopłóčki</td> <td>AZV Am Klosterwasser 035796/96026</td> </tr> <tr> <td>policija</td> <td>110</td> </tr> <tr> <td>nuzowy lěkar / wohnjowa wobora</td> <td>112</td> </tr> <tr> <td>wohnjowa wobora Ralbicy</td> <td>035796/850086</td> </tr> </table>	milina	ENSO Netz GmbH 0180/2787902	woda	Ewag Kamenz 03578/377377	płun	EVSE Wittichenau 035725/7410	wopłóčki	AZV Am Klosterwasser 035796/96026	policija	110	nuzowy lěkar / wohnjowa wobora	112	wohnjowa wobora Ralbicy	035796/850086
milina	ENSO Netz GmbH 0180/2787902														
woda	Ewag Kamenz 03578/377377														
płun	EVSE Wittichenau 035725/7410														
wopłóčki	AZV Am Klosterwasser 035796/96026														
policija	110														
nuzowy lěkar / wohnjowa wobora	112														
wohnjowa wobora Ralbicy	035796/850086														
<p>IMPRESUM – Gmejska nowina gmejny Ralbicy-Róžant zamowity: wjesnjanosta Hubertus Ryčer Gmejski zarjad Při Marijinej studničce 8 01920 Róžant Tel.: 035796/96832 Faks: 035796/96833 Mejlka: gemeinde@ralbitz-rosenthal.de Internet: www.ralbitz-rosenthal.de Tow arstwa su za wobsah swojich stronow same zamowite.</p>	<p>Redakciski kónc za wudaće małego róžka 2019: 18.01.2019 Prošu zapodajće wšitke přinoški za nowinu z mejlku na: gmejska.nowina@gmx.de</p> <p>Online-wudaće gmejskeje nowiny pod: www.ralbitz-rosenthal.de</p>														

Gratulujemy wšitkim rentnarkam a rentnarjam našeje gmejny k narodninam a přejemy, wjele zboža, krutu strowotu, wosobinske derjeměće a Bože žohnowanje.



Dodatne wustawki Ralbicy „Łazkowski puć“

Na wšitkich wjesnych informaciskich taflach gmejny Ralbicy-Róžant so w času wot 21.12.2018 hač do 03.01.2019 přez zjawne wozjewjenje wo wupołożenju dodatnych wustawkach Ralbicy „Łazkowski puć“ na zakładže § 3 wotr. 2 Twarskeho zakonika (BauGB) informuje.

Hubertus Ryćer, wjesnjanosta

Sobudźělačer na twarskim dworje pytany

Gmejna Ralbicy-Róžant pyta tak spěšnje kaž móžno sobudźělačerja za komunalny twarski dwór, kotryž ma so na bazy snadneje mzdy (geringfügige Beschäftigung) přistajić. Zajimcy njech so na gmejnjne telefonisce pod číslom 035796/96832 přizjewja abo wosobinsce k rěčnym hodžinam na gmejnski zarjad přińdu.

Gmejna přenajima 94 m² wulke bydlenje ze 4 stwami nad gmejnskim zarjadom w Róžeńće. Zajimcy njech so prošu na gmejnskim zarjedže pod telefonowym číslom 035796/96832 abo pola zarjadniskeho zwjazka „Při Klóšterskej wodže“ pod telefonowym číslom 035796/94610 přizjewja. Je tež móžno so pisomnje z mjenowanjom kontaktnych datow naprašować.

Wojerske towarstwo 1885 Konjegy a wokolina

Dnja 2. decembra 2018 wotmě so přenja lětnja zhromadźizna lětsa nowozaloženeho Wojerskeho towarstwa 1885 Konjegy a wokolina z. t. Towarstwo bu založene, zo by so na sportowym třělenju zajimowanym wotpowědna móžnosć w našej gmejnej skićiła. Runje tak chce towarstwo tradiciju w tutym wobłuku zaso wožiwić a hajić. Towarstwo ma mjeztym 13 sobustawow a je wšěm napřečo wotewrjene, kotřiž připóznawaja swobodny demokratiski porjad tutoho kraja. Zo by so zaručiło, zo sobustawojo prawje a zamołwiće z brónjemi wobchadžeć zamóža, su wšitcy wot zakonja žadane zakładne wukublanje z wotpowědnym pruwowanjom zložili. Wotpowědnje svojim wěcnym wustawkam budže so towarstwo w přichodže na towaršnostnym žiwjenju gmejny aktiwnje wobdźěleć. Zajimcy móža so rady pola předsydy pod telefonowym číslom 0162/7742548 přizjewić.

Toni Ryćer
předsyda

Öffentliche Bekanntmachung
einer Offenlegung über die Änderung von Daten des Liegenschaftskatasters

nach § 14 Abs.6 Sächsisches Vermessungs- und Katastergesetz

Das Amt für Bodenordnung, Vermessung und Geoinformation hat Daten des Liegenschaftskatasters aufgrund des

Freiwilliger Landtausch - Zusammenführung von Boden- und Gebäudeeigentum - gemäß 8.

Abschnitt Landwirtschaftsanpassungsverfahren (LwAnpG)

Räckelwitz (Flächentausch III), Verf.-Nr. 250669

berichtigt.

Gemeinde: Räckelwitz, Rabitz Rosenthal und Crostwitz

Betroffene Flurstücke

Gemarkung Räckelwitz (5277): 553, 554, 555, 556, 557, 558, 559, 560, 561, 562, 563, 564, 565, 566, 567, 568, 569, 570, 571, 572, 573, 574, 575, 576, 577, 578, 579, 580, 581, 582, 583, 584, 585, 586, 587, 588, 589, 590, 591, 592, 593, 594, 595

Gemarkung Zerna (5296): 135, 143/a, 144, 193, 194, 195, 196, 197, 198, 199, 200, 201, 202

Gemarkung Horka (5214): 723

Art der Änderung

1. Bodenordnungsmaßnahme
2. Veränderung der tatsächlichen Nutzung mit Änderung der Wirtschaftsart

Allen Betroffenen wird die Änderung der Daten des Liegenschaftskatasters durch Offenlegung mitgeteilt. Die Ermächtigung zur Bekanntgabe auf diesem Wege ergibt sich aus § 14 Abs.6 des Sächsischen Vermessungs- und Katastergesetzes – SächsVermKatG¹.

Das Amt für Bodenordnung, Vermessung und Geoinformation ist nach § 2 SächsVermKatG für die Führung des Liegenschaftskatasters zuständig.

Die Unterlagen liegen ab dem

03.01.2019 bis zum 04.02.2019

**in der Geschäftsstelle des Amtes für Bodenordnung, Vermessung und Geoinformation
des Landratsamtes Bautzen**

zur Einsichtnahme bereit.

Für Fragen stehen Ihnen unsere Mitarbeiter in der Geschäftsstelle, Garnisonsplatz 9, 01917 Kamenz während der Öffnungszeiten Dienstag und Donnerstag von 8:30 Uhr bis 18:00 Uhr und telefonisch unter 03591 5251-62001 zur Verfügung. Sie haben in unserer Geschäftsstelle auch die Möglichkeit, die Fortführungsnachweise und die weiteren Unterlagen zu den Änderungen einzusehen.

Kamenz, den 10.12.2018

Karola Richter
Sachgebietsleiterin Liegenschaftskataster

¹ Gesetz über das amtliche Vermessungswesen und das Liegenschaftskataster im Freistaat Sachsen (Sächsisches Vermessungs- und Katastergesetz - SächsVermKatG) vom 29. Januar 2008 (SächsGVBl. S. 138, 148), zuletzt geändert durch das Gesetz über das Geoinformationswesen im Freistaat Sachsen vom 19. Juni 2013 (SächsGVBl. S. 482)

Adwentnička rentnarjow

Srjedu, 5. decembra 2018 wotmě so po zwučenym wašnju w Fabrikskej hospodze w Šunowje adwentne popoždno za rentnarjow našeje gmejny, kotřiž wužichu při dobrym přikusku tež składnosć za wosobinsku rozmołwu. Zdobom poda jim wjesnjanosta Hubertus Ryčer dohlad do džěławosće gmejny w léće 2018 a pěstowarske džěći skićachu zabawny program.

Džak wuprajamy wšitkim, kotřiž su k poradženju přijomneho popoždnja přinošowali.





pěstowarnja „dr. Jurij Młynk“ w Ralbicach



Na adwentničce rentnarjow gmejny w Šunowje Kóždolětnje smědža so wuměnkarjo gmejny

Ralbicy-Róžant na kulturny program wjeselić, při kotrymž so Ralbičanska zakładna šula a pěstowarnja wotměnjatej. Lětsa wuhotowachu tři- do pjećlětni chowancy pěstowarnje, kotraž je w nošerstwje Serbskeho šulskeho towarstwa, spodobny a wotměnjawy program.

Wšitke holčki běchu jako sněženki zdrasćene, mjez hólcami bě samo swj. Mikławš. Tři kubłarki a jedyn kubłar džěći wěcywustojnje přewodžachu. Jako doholětna kubłarka tuteje pěstowarnje je mje přewšo zwjeseliło, z kotrej horliwošću su naše pěstowarske džěći při wěcy byli, hačrunjež su na tutym dnju lědma připołdnišeho spara našli. Wulki džak słuša wjednicy Jadwize Nukowej, kotraž namaka na spočatku swjedženskeho programa wutrobne adwentne słowa za nas rentnarjow a za sobuskutkowacych džěći. Hłuboki začišć zawostaji pola mje, kak moja młódša kolegina Michaela Nukowa zhromadnje z někotrymi džěćimi legendu kołowokoło swj. Mikławša předstaji. Bě to za mnje, jako bych podawiznu sama sobu dožiwiła.

Sylny přiklesk rentnarjow bě zdomom dalši džak wšitkim kubłarkam a kubłarjej, kotřiž su so lubosćiwje a z poňnym elanom wo wotběh programa starali.



Mi zwostanje hišće wuprajic přeće, zo njebychu angažowane kubłarki a kubłarjo zhromadnje ze swojimi, jim dowěrjenymi džěćimi jenož nas zawjeselili, ale zo so tule předstajene křesćanske hódnoty na wšelake wašnje wobchowaja.

Borbora Šeferowa


TERMIN

25.01.2019

15.30 hodž. ptačokwasny program pěstowarnje w Ralbičanskej sportowej hali

Zaběra za dźeći

Jandžel a wowcy? Tak někak sej zawěšće myslić móžeće, što so tule stawa. Hdyž zwjazaće ličby 1 do 99, widźíte, dla koho wšitcy přichwatali su.





Serbska zakladna šula Ralbicy

Delanski ZWónčk



Wulki różk 2019 / číslo 69

Sorbische Grundschule Ralbitz

Wulkotny dohodowny koncert

Rjenje wupyšena sportowa hala, adwentna atmosfera, lubi hosćo, błyšćate woči našich džěci - to wšo dožiwichmy 7. hodownika pola nas w Ralbicach. Tradicionalny dohodowny koncert zahaji kulturna skupina. Njetraješe dotho a hižo mějachu mali wumětycypřipostucharjow z krasnymi hodownymi spěwami na swojej stronje. Zakuzłachu tak do našeje sportoweje hale wosebitu naladu, kotraž přez cyły čas knježeše.

Instrumentalna skupina, jednotliwe přinoški rjadownjow ze spěwami a basnjemi, rejowanska skupina a dwě bajkoweje hrě wobrubichu nimale dwuhodžinski program. Po zhromadnym spěwanju hodownych pěsnjow so zaso wšitcy, napjelnjeni z wjeselom na bližacy so hodowny čas, na dompuć podachu.



W lěsu steji jědlenka
w pyšnym šaćiku,
hdyž na nju wšitcy hladaja,
so blyšći jědlenka.



W kuchni pječe maćerka
nam dobre poprjancy.
My rady wšitcy pomhamy
a kusk tež woptamy.



Na patoržičnym popoždny
so kule wěšeja.
To móža być tež chłóšćenki,
to džěci zwjesela.

Wórša Wićazowa, ruska ludowa pěseň

Wutrobny džak Janej Hrjehorjej z Róžanta za hodownej štomaj!

Rozžohnujemy so z našej koleginu Weroniku Statnikowej



Weronika Statnikowa wuwučowaše hižo wot lěta 1992 na našej džzensnišej Serbskej zakładnej šuli w Ralbicach. Jako serbska wučerka kubtaše našich šulerjow z cyteje wutroby z luboznej přichilnosću a jim wšu trěbnu wědu sposrědkowa. K wšostronskemu kubtanju našich džěci je přewšo wažne kulturne a wumětske kubtanje. Tutón nadawk přewza na našej zakładnej šuli hłownje knjeni Statnikowa. Hižo wot lěta 1992 nawjedowaše knjeni Statnikowa kulturnu skupinu zakładneje šule. Pedagogisce wušiknje a kompetentnje wukmani wona stajnje znowa šulerjow, swoje talenty w spěwanju, rejowanju, hudženju abo džiwadźelenju prezentować. Pod jeje režiju nastachu wulkotne programy składnostnje kóždolětnych tradicionelnych šulskich wjerškow, kaž naš dohodowny koncert, mejemjetanje, šulske zastupy, powitanje hosći a zakónčenje šulskeho lěta. Wobšěrne rewijowe programy nazwučowa knjeni Statnikowa składnostnje šulskich jubilejow. Tež zwonka šule prezentowaše kulturna skupina pod jeje nawodom wobšěrne programy, w kotrychž wuprudža hordosć na swoju serbsku domiznu, lubosć k serbskej rěči a serbskim nałožkam. Tola knjeni Statnikowa njebě jenož na polu kultury nimoměry aktiwna, ale wěnowaše so wosebje rěčnemu stawej našich šulerjow. Tak přewza před lětami wobšěrny nadawk, němski wuwučowanski material přeložić a nowe serbskorěčne wučbne materialije a wučbnicy wuwic.

Wot 01.01.2019 poda so knjeni Statnikowa na swój zastuženy wuměnk.

My zhubimy z Weroniku Statnikowej přewšo angažowanu, mnohostronsce aktiwnu wučerku, kotraž swoje powołanje a wšě nadawki, kotrež sebi předewza, z poňej zahoritosću a wulkej

kompetencu wukonješe. Wšědnje so wo to prócowaše, zo młoda generacija wotrosće, w kotrejž serbska wutroba pukoce. *Šulerjo a koleginy přeja tebi z cyteje wutroby krutu strowotu, derjeměće a za nowe předewzaća dosć dobrych kreatiwnych idejow, wosebje pak přewšo rjany čas z wnučkami a swójbny.*



Lubi starši, česćeni wobydlerjo a darićeljo,

nanejwutrobnišo džakujemy so Wam za Wašu nam wopokazanu dowěru a stajnu spuščomnu pomoc a podpěru.

Hdžežkuli bě pomoc trěbna, sće nas na mnohostronske wašnje podpěrowali.

Přejemy Wam wšitkim z wutroby spokojne a měrne hody, kaž tež strowotu a wosobinske derjeměće w lěće 2019!

Šulerjo a wučerki Serbskeje zakładneje šule Ralbicy

Terminowa protyčka:

14.01.-21.01.2019

17.01.2019




kontejner za staru papjeru

sportowe wubědžowanje "Bul přez sak" za šulerjow 3. lětnika
w Halštrojce



Šulske nowiny

Serbska wyša šula Ralbicy
UNESCO projektna šula
Šula z ideju 2007
www.serbska-sula-ralbicy.de



Wulki rózka 2019
23. lětnik, 240. wudaće

W přichodnych wudaćach šulskeje nowiny chcemy Wam wšelake cyłodnjowske poskitki předstajić, kotrež so na našej šuli poskićeja.

Motocross (1)

Motocross je moderny poskitk, kotryž je so na našej šuli hakle před štyri lěta poskićuje.



We Worklecach so tutón cyłodnjowski poskitk mjenujcy hižo wot knjeza Špitanka nawjedowaše a tak nasta ideja wot šulerjow tehdyšeho 6. lětnika, poskitk tež pola nas přewjesć. Šulerjo nawuknu samostatnje a zamołwići z motorskimi wobchadžeć. Při rjanym wjedrje zetkaja so wšitcy dwanaće sobustawojo motocrossoweho kružka w Jaworje na crossowej čarje. Tam nawučić jim

wuspytaja so w jězdženju kaž prawy profi. W zymskich měsacach stejitej fitness a kondicija na přěnim městnje. Potom trenuja šulerjo jenož w sportowej hali. A hdyž temperatury zaso stupaja, wjesela so wšitcy zaso na motocrossowu čaru w Jaworje.



tekst: Julia Belkotec a Leonie Suchec, fota: Franc Bělk

INFORMACIJE - TERMINY - WŠELČIZNY

- 9. januar: powołanske poradźowanje z knjezom Hernsdorfom
- 14.–18. januar: sněhakowarske lěhwo 8. lětnika w Bedřichovje
- 18.–20. januar: „KarriereStart 2018“ – kubłanske a powołanske wiki w Drježdžanach
- 21. januar: šulerski koncert za 9. lětnik
- 22. januar: staršiska zhromadźizna za 8. a 9. lětnik z knjezom Hernsdorfom

Impresije lětušeho adwentneho wolejbuloweho turněra

Dobyčér: 10. lětnik 2015/2016



**2. městno:
10. lětnik
2016/17**

**3. městno:
10. lětnik**



Napinace pućowanje



Při rjanym nazymskim wjedrje přewjedźechmy my, 6. lětnik, pućowanski dzeń na horu Hochstein (pola Kindischa). Startowachmy z busom w Ralbicach. W Kamjencu přelězechmy a jědźechmy k horje. Běžachmy něhdže 2 do 3 hodžiny na horu. To běše jara napinace. Najprjedy běše ščežka šěroka, ale počasu bu dale a wuša. Dócpěwši cil, najwjetšu horu

zapadneje Łužicy, horu Hochstein, najprjedy wotpočnychmy. Někotři snědachu a někotři krosnowachu po horje. Tam na wulkich kamjenjach, kotrež na so ležachu, běchu tež małe krosnowanske pućiki. Po přestawce pućowachmy na druhej stronje hory dale. Při tym pozastachmy při źórle Čorneho Halštrowa a při wulkej skale, hdžež so zornowc wudobywa. Posledni wotrězk wjedźeše naš puć po hłownej dróze, přez wjesku Kindisch.



Čakawši na nawjazowacy bus, mějachmy składnosć sej w Kamjencu maličkosće kupić. Na zažnym popođnju nawróčichmy so zaso do Ralbic. Wulět do bliskeje kónčiny je so nam šulerjam, přewodźacym wučerjam a staršim jara lubił.

tekst: Jana Modžinkec/ foto: Ricarda Domaškec

Naša gmejna w lěće 2018



Konjećenjo smědźachu so nad nowym elektroniskim zwonjenjom wjeselić.



Šunowske žony wobdźělichu so na póstnicach w Kulowje.



W Smjerdźacej mjetachu meju ...
runje tak kaž w Róžeńće.



We Łazku zarjadowa so k poslednjemu razej beneficyjny koncert.





W Ralbičanskej pěstowarni bu z pomocu staršich a džěci nowe hrajkanišćo twarjene.



W Sernjanach běchu srědky za nowe hrajkanišćo za wjesnu džěčinu při wubědźowanju dobyli.



Ralbičanska wohnjowa wobora dósta nowe hašenske jězdźidło, kotrež bu tež za hašenje traktora w septembrje zasadžene.



W Sernjanach wotkry so nowa bydlenka štwórc.

Ralbičanscy »stari knjezojo« stachu so z wokrjesnym mištrom w kopańcy.



Fota: Achim Cyž (1), Rafael Ledźbor (1), Tomáš Šofta (1), priwatne (8)



Blidotenisowy wječor w Konjecach

4. januara 2019 přewjedźemy zaso naš tradicionalny blidotenisowy wječor za wšěch, kotřiž chcedža zas jónu blidotenis hrać.

Započatk je za dźěci wot 17.00 hodź. a za młodostnych a dorosćenych wot 19.00 hodź. na Konječan žurli.

Wšitcy zajimcy su na tutón wječor wutrobnje přeprošeni.

Blidotenisowe towarstwo Konjegy




Hodowny nyšpor

Chór Lipa a instrumentalisća wuhotuja njedźelu, 30. hodownika, w 17 hodź. w Róženčanskej cyrkwi swój tradicionalny beneficny nyšpor.

Zběrka při durjach budže za restawraciju hnadowneje figury w putniskej cyrkwi.

Wšitcy lubowarjo hodownych zynkow su lubje witani.



Přeprošenje

Braškec wuj, tón bantaty,
na reje wšitkich přeprosny.
Fabrikska hospoda je pyšena,
kwasna poliwka tež zwarjena.

Lube žony pytajće
najrjeńši šat w kamorje.
Mužojo sej namkajće,
košlu, woblek, wulkotnje!

Do rejki so podajće,
Wjesela, tón zahraje.
Z knižki spěwy spěwajće,
a sej kapku popřejće!

Lubi ludžo zbliska a zdaloka,

zrědka je móžnosće, zo **starša a mlódša generacija** zhromadnje na reje dže.
Tuž smy sebi hłowu łamali a přeprosomy Was jara wutrobnje na rejowanski
wječor »**kaž na kwasu**« sobotu, dnja **19.1.19** do **Šunowskeje Fabrikskeje
hospody**.

Wot 18.00 hodž. sće wutrobnje witani, zo móhli sej wot 19.00 hodž. kwasnu jědž
słodžeć dać. Po tym zahraje Frank Wjesela do reje, braška zawjeseli Was ze
žortom a zakantori někotru lóštnu štučku.

Zwoblěkajće sej Wašu najrjeńšu drastu a dajće sej lubić!

Cyle wutrobnje strowi
wjesna rada Konjegy-Šunow

Zastupny lisćik dóstanjeće **jenož** přez **predpředań hač do 14.1.19** za
19,50 € pola

Wjeselic swójby
Bohata 9b
01920 Šunow

Tel. 035792-51608





*Přinďz, wšitkich ludow Zbóžniko ,
přinďz k čistej knježnje, džěcatko!
Njeh cyty swět so spodžiwa,
Zo Bóh sam tajki narod ma.*

Michał Nawka



*Hnadypotne hodowne swjate dny,
w měrje a spokojnosći,
wšitko najlěpše w nowym lěće,
kaž tež krutu strowotu a Bože žohnowanje,*

přejetaj Wam Andreja a Ludwig Dienerjec

Zaptać Bóh za spožčenu dowěru.

Nowoslicy 2018

Diener

*Mlynski puć 10
01920 Nowoslicy
mobil: (0172) 3 57 09 08
e-mail: info@zeltverleih-diener.de
www.zeltverleih-diener.de*